



Broj, 01-07-10-51-295/2024
Sarajevo, 27.12.2024. godine

Na osnovu člana 25. stav (1) Zakona o slobodi pristupa informacijama na nivou institucija Bosne i Hercegovine ("Službeni glasnik BiH", br. 61/23) i člana 5. Pravilnika o postupanju po zahtjevu za pristup informacijama Visokog sudskog i tužilačkog vijeća Bosne i Hercegovine br. 08-02-3075/2010 od 02.09.2010. godine, 08-02-3645/2013 od 24.09.2013. godine, 08-02-388-1/2014 od 22.01.2014. godine i 08-07-2-3459/2021 od 29.09.2021. godine, rješavajući po zahtjevu za pristup informacijama Žarka Dojčinovića, [REDACTED], Radana Milakovića, [REDACTED] i Zorana Milakovića, [REDACTED], od 16.12.2024. godine, predsjednik Visokog sudskog i tužilačkog vijeća Bosne i Hercegovine donosi

RJEŠENJE

I Odobrava se pristup informacijama o ishodu disciplinskog postupka [REDACTED].

II Ograničava se pristup informacijama o izvedenim dokazima u disciplinskom postupku iz tačke I izreke rješenja.

Obrazloženje

Visoko sudsko i tužilačko vijeće Bosne i Hercegovine (u daljem tekstu: VSTV BiH/Vijeće) je 16.12.2024. godine zaprimilo zahtjev Žarka Dojčinovića, [REDACTED], Radana Milakovića, [REDACTED] i Zorana Milakovića, [REDACTED] (u daljem tekstu: podnositelji zahtjeva) za pristup informacijama u vezi sa tokom, izvedenim dokazima i ishodom disciplinskog postupka registrovanog u Uredu disciplinskog tužioca (u daljem tekstu: UDT) VSTV-a BiH [REDACTED].

Razmatrajući predmetni zahtjev, u skladu s nadležnostima VSTV-a BiH, utvrđeno je da UDT posjeduje podatke navedene u izreci ovog rješenja, te da omogućavanje pristupa istim nije protivno odredbama Zakona o slobodi pristupa informacijama na nivou institucija Bosne i Hercegovine ("Službeni glasnik BiH" 61/23; dalje u tekstu: Zakon).

U odnosu na tačku I izreke rješenja, uvidom u službenu evidenciju, utvrđeno je da je UDT, na osnovu navoda iz pritužbe podnositelja zahtjeva, koja je registrovana pod brojem [REDACTED], te istrage provedene od strane UDT-a i prikupljenih dokaza, zaključio da su navodi iz pritužbe osnovani te da je u konkretnom slučaju počinjen disciplinski prekršaj iz člana 56. tačka 7. Zakona o VSTV-u BiH „*propuštanje da traži svoje izuzeće od postupanja po predmetima kada postoji sukob interesa*“.

Iz navedenih razloga, UDT je na osnovu odredbe iz člana 67. stav (1) Zakona o VSTV-u BiH pokrenuo disciplinski postupak protiv S [REDACTED] D [REDACTED], sutkinje Okružnog suda u [REDACTED].

Odlukom Prvostepene disciplinske komisije za sudije VSTV-a BiH, broj [REDACTED], tužena je oslobođena disciplinske odgovornosti za navedeni disciplinski prekršaj.

UDT je dana 12.12.2024. godine uložio žalbu na odluku Prvostepene disciplinske komisije.

Zaključno sa danom izrade ovog rješenja, UDT nije zaprimio odluku Drugostepene disciplinske komisije po žalbi od 12.12.2024. godine.

S tim u vezi, napominje se da su disciplinski postupci pred Prvostepenom disciplinskom komisijom kao i pred Drugostepenom disciplinskom komisijom u slučaju otvaranja rasprave, javni, a po okončanju disciplinskog postupka na web stranici VSTV-a BiH objavljuju se anonimizirane sve odluke donesene u jednom disciplinskom postupku. Podnosioci zahtjeva će moći po okončanju ovog postupka a na osnovu dostavljenog broja odluke pronaći sve informacije koje ih interesuju u vezi postupka pa i izvedene dokaze.

U odnosu na tačku II izreke rješenja, ograničen je pristup informacijama u skladu sa članom 19. stav (5) Zakona imajući u vidu činjenicu da je disciplinski postupak pokrenut po prijavi podnosioca zahtjeva a protiv sutkinje S [REDACTED] još uvijek u toku i dostavljanje dokaza bilo strankama ili trećim licima u postupku, moglo bi ugroziti princip jednakosti stranaka i efikasno postupanje u ovom postupku.

Uz navedeno, članom 2. stav (1) Zakona pripisano je da se „Odredbe ovog zakona ne primjenjuju se na stranke u sudskom, upravnom i na zakonu osnovanim postupcima, kojima je dostupnost informacijama iz tih postupaka utvrđena posebnim propisom” a Zakonom o VSTV-u BiH je detaljno propisano postupanje u disciplinskom postupku protiv sudija ili tužilaca.

S tim u vezi, članom 71. stav (1) Zakona o VSTV-u BiH propisano je da „Pritužba ili dopis koji zaprimi Ured disciplinskog tužioca u kojem se navode povrede dužnosti od strane sudija ili tužilaca, kao i informacije prikupljene tokom istrage predstavljaju tajnu, izuzev za Vijeće, po njegovom zahtjevu”.

Po okončanju disciplinskog postupka objavljivanjem kompletnih disciplinskih odluka zainteresovana lica po principu javnosti rada institucije mogu doći do traženih informacija.

Postupajući po zahtjevu podnosioca, a u skladu sa svim gore navedenim, odlučeno je kao u dispozitivu ovog rješenja.

Pouka o pravnom lijeku:

Protiv ovog rješenja podnosioci zahtjeva imaju pravo podnijeti žalbu Žalbenom vijeću pri Vijeću ministara Bosne i Hercegovine u roku od 15 dana od dana prijema istog.

Ukoliko Žalbeno vijeće ne odluči po žalbi u roku od 30 dana od dana prijema žalbe, podnosioci žalbe imaju pravo pokrenuti upravni spor pred Sudom Bosne i Hercegovine zbog šutnje administracije.



Dostavljeno:

1. Podnositeljima zahtjeva
2. Uredu disciplinskog tužioca
3. U spis